

ხელშეკრულება №67/17
(საკუთარი სახსრები)

28 აპრილი 2017 წ.

ქ.თბილისი

ჩვენ, ქვემოთ ხელის მომწერნი, ერთის მხრივ შპს „საქართველოს მელიორაცია“ (შემდგომში - შემსყიდველი), წარმოდგენილი კომპანიის გენერალური დირექტორის არჩილ ბუკიას სახით და მეორეს მხრივ შპს „მტკვარი-ენერჯი“ (შემდგომში - მიმწოდებელი), მისი გენერალური დირექტორის მალხაზ იასეშვილის სახით, ვხელმძღვანელობთ რა საქართველოში მოქმედი კანონმდებლობით, „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „ა“ ქვეპუნქტის და „შპს „საქართველოს მელიორაციისათვის“ სახელმწიფო შესყიდვის გამარტივებული შესყიდვით განხორციელების შესახებ თანხმობის გაცემის თაობაზე“ სახელმწიფო შესყიდვების სააგენტოს თავმჯდომარის 2017 წლის 19 აპრილის N1204 განკარგულების - SMP170001020 შესაბამისად ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია, გარდაბნის სარწყავი სისტემის სრულფასოვანი ფუნქციონირების უზრუნველსაყოფად არსებულ გარდაბნის სარწყავი სისტემის ჰიდროტექნიკურ უზანზე (სათავე ნაგებობა) შპს „მტკვარი ენერჯის“ საკუთრებაში არსებული მექანიკური მოწყობილობების მუშავებით (CPV-65100000) მომსახურების გაწევა, წინამდებარე ხელშეკრულებით გათვალისწინებული პირობებით, არაუმეტეს 17 000 000 ₾ მოცულების წყლის გატარების მიზნით.

2. შესყიდვის ობიექტის ღირებულება

2.1 შესყიდვის ობიექტის საერთო ღირებულება შეადგენს 10 000.00 (ათი ათასი ლარი და 00 თეთრი) ლარს, საქართველოს მოქმედი კანონმდებლობით დადგენილი გადასახადების გათვალისწინებით. აქედან, წინამდებარე ხელშეკრულების მუხლი 3-ის 3.1. პუნქტის გათვალისწინებით ერთი თვის მომსახურების ღირებულება შეადგენს 2000 (ორიათას) ლარს.

2.2 გასაწევი მომსახურების ფასი შეიცავს მიმწოდებლის ყველა ხარჯს და საქართველოს კანონმდებლობით დადგენილ ყველა მოსაკრებელსა თუ გადასახადს, რაც დაკავშირებული შეიძლება იყოს მომსახურების გაწევასთან.

3. შესყიდვის ობიექტის მიწოდების ვადები

3.1 მომსახურების მიწოდება უნდა განხორციელდეს 2017 წლის 1 მაისიდან 2017 წლის 30 სექტემბრის ჩათვლით.

3.2 მომსახურება განხორციელდება შემდეგ მისამართზე: გარდაბნის რაიონი; მტკვარი-ჯანდარის სერვის ცენტრის სამოქმედო ტერიტორია.

4. შესყიდვის ობიექტის მიღება-ჩაბარების წესი

4.1 მომსახურება ჩაითვლება გაწეულად მხარეების მხრიდან, ამისათვის უფლებამოსილი პირების მიერ შესაბამისი მიღება-ჩაბარების აქტის გაფორმების შემდეგ, სადაც მხარეების მიერ დაფიქსირებული იქნება საანგარიშსწორებო თვის განმავლობაში მომსახურების გაწევისა და შემსყიდველის წყალაღების კვანძში გატარებული წყლის ოდენობის შესახებ ინფორმაცია.

4.2 წინამდებარე შეთანხმების 4.1 პუნქტით გათვალისწინებული მიღება-ჩაბარების აქტ(ებ)ის გაფორმებაზე პასუხისმგებელ პირს, შესყიდველის მხრიდან წარმოადგენს შპს „საქართველოს მელიორაციის“ მტკვარი-ჯანდარის სერვის ცენტრის უფროსი.

5. ანგარიშსწორების ფორმა, ვადა და ადგილი

5.1 მიმწოდებელთან ანგარიშსწორება განხორციელდება ლარებში.

5.2 მიმწოდებელს გასაწევი მომსახურების ღირებულება აუნაზღაურდება ეტაპობრივად უნაღდო ანგარიშსწორებით, ყოველთვიურად გაწეული მომსახურების ღირებულების შესაბამისად, მომსახურების შესახებ გაფორმებული მიღება-ჩაბარების აქტის და საქართველოს კანონმდებლობით გათვალისწინებული შესაბამისი დოკუმენტების წარმოდგენიდან 10 (ათი) სამუშაო დღის ვადაში.

6. მხარეთა უფლება-მოვალეობანი

6.1 შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2 შემსყიდველი ორგანიზაცია ვალდებულია:

- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს გაწეული მომსახურების ღირებულება.

შემსყიდველი
20452
საქართველოს მელიორაცია

202066726
მიმწოდებელი
MTKVARY ENERGY LTD

6.3 შემსყიდველ ორგანიზაციას უფლება აქვს:

- განახორციელოს კონტროლი მიმწოდებლის მიერ ხელშეკრულებით ნაკისრი ვალდებულებების შესრულებაზე;

- მოსთხოვოს მიმწოდებელს გაწეული მომსახურების კონტროლის შედეგად გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.

6.4 მიმწოდებელი ვალდებულია:

- გაუწიოს მომსახურება შემსყიდველ ორგანიზაციას ხელშეკრულებით გათვალისწინებული პირობების შესაბამისად;

- საკუთარი ხარჯებით უზრუნველყოს გაწეული მომსახურების ინსპექტირების შედეგად გამოვლენილი დეფექტების აღმოფხვრა;

- დაიცვას ხელშეკრულებით გათვალისწინებული ყველა პირობა.

6.5 მიმწოდებელს უფლება აქვს:

- მოსთხოვოს შემსყიდველ ორგანიზაციას გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად.

7. გარანტია და ხელშეკრულების პირობების კონტროლი

7.1 მიმწოდებელი იძლევა გარანტიას, რომ მის მიერ მომსახურება განხორციელდება მაღალხარისხოვნად, აღნიშნულ მომსახურებაზე არსებული სტანდარტების სრული დაცვით, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს აღმოჩენილი ნებისმიერი ხარვეზის აღმოფხვრა, ასევე არახარისხოვნად გაწეული მომსახურების შედეგად გამოვლენილი ნებისმიერი სხვა ზიანის აღმოფხვრა შემსყიდველის მხრიდან შეტყობინების მიღებიდან 1 სამუშაო დღის განმავლობაში.

7.2 ხელშეკრულების პირობების შესრულებაზე კონტროლს განახორციელებს შპს „საქართველოს მელიორაციის“ მტკვარი-ჯანდარის სერვის ცენტრის უფროსი.

8. მხარეთა პასუხისმგებლობა ხელშეკრულების პირობების დარღვევისას

8.1 შემსყიდველი უფლებამოსილია ამ ხელშეკრულების 3.1 პუნქტებით გათვალისწინებული პირობის დარღვევის შემთხვევაში ყოველ კონკრეტულ ფაქტზე (ყოველ ასეთ დღეზე) დააკისროს მიმწოდებელს პირგასამტეხელო ხელშეკრულების საერთო ღირებულების 2 %-ის ოდენობით;

8.2 შემსყიდველი უფლებამოსილია ამ ხელშეკრულების 7.1 პუნქტით გათვალისწინებული ვად(ებ)ის გადაცილების შემთხვევაში ყოველ კონკრეტულ ფაქტზე დააკისროს მიმწოდებელს პირგასამტეხელო ყოველ ვადაგადაცილებულ დღეზე ხელშეკრულების საერთო ღირებულების 2 %-ის ოდენობით;

8.3 მიმწოდებელი უფლებამოსილია ამ ხელშეკრულების 5.2 პუნქტით გათვალისწინებული ვადის გადაცილების შემთხვევაში დააკისროს შემსყიდველს პირგასამტეხელო ყოველ ვადაგადაცილებულ დღეზე მოცემულ მომენტში გადასარიცხი თანხის 2 %-ის ოდენობით;

8.4 იმ შემთხვევაში თუ ხელშეკრულების 8.1. პუნქტით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 20%-ს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ათავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

9. ფორს-მაჟორული სიტუაციები

9.1 მხარეები პასუხისმგებელნი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, ხელისშემშლელ გარემოებათა აღმოფხვრის შემდეგ.

9.2 თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე, მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.

9.3 ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

10. ხელშეკრულების პირობების გადასინჯვა

10.1 ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს 10%-ისა.

შემსყიდველი
20452456
GEORGIAN AMELIORATION LTD

მიმწოდებელი
202066726
GEORGIA "MTKVARY ENERGY" LTD

10.2 ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

11 ხელშეკრულების მოქმედების ვადა

11.1 ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს 2017 წლის 31 დეკემბრის ჩათვლით.

12. დავა და მისი გადაწყვეტის წესი

12.1 წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

12.2 თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

13. ხელშეკრულების შეწყვეტა

13.1 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზეც მხარემ უნდა აცნობოს მეორე მხარეს.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

14. სხვა პირობები

14.1 საკითხები, რომელიც არ არის გათვალისწინებული ამ ხელშეკრულებით, რეგულირდება საქართველოს კანონმდებლობით დადგენილი წესით.

14.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

14.5 ხელშეკრულება შედგენილია ქართულ ენაზე 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (2 ეგზემპლარი შემსყიდველთან, 1 ეგზემპლარი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15. მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი

„შემსყიდველი“
შპს „საქართველოს მელიორაცია“
ქ.თბილისი, მარშალ გელოვანის გამზ. N6.
ბანკის კოდი: BAGAGE22
სს: საქართველოს ბანკი;
ა/ა: GE58BG000000182323100
საიდენტიფიკაციო კოდი: 204524568

გენ. დირექტორი: არჩილ ბუკია



„მიმწოდებელი“
შ.პ.ს „მტკვარი-ენერჯი“
საიდენტიფიკაციო კოდი 202066726
მის: ქ. გარდაბანი, აღმაშენებლის N2
ს/ს თიბისი ბანკი
ბანკის კოდი: TBCBGE22
ა/ა: GE47TB1170636030100001

გენ. დირექტორი: მალხაზი იასეშვილი



Handwritten signature in blue ink.